

Date – 10/11/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. Open Market Borrowing atanga sawrkarin sum a puk chu Budget-a dah sa thlap a nih thu Adviser to Chief Minister Pu TBC Lalvenchhunga'n a sawi.
2. Mizorama ruihhlo do an kalpui mek chu a hlawhtlin theih a beiseiawm thu Bhahma Kumari, Dr. Swapan Gupta in a sawi.
3. Cheng Nuai 15 senga sak, Hringlangtlang Block MHIP Run chu Champhai District Bawrhsap Pu VL Remliana'n nimin khan Mualkawi khuaah a hawng.
4. Mumbai-Pune Expressway-ah nimin khan bus leh truck an insu a, mi 18-in hliam an tuar.

<><><>

OPEN MARKET BORROWING

Open Market Borrowing atanga sawrkarin sum a puk chu Budget-a dah sa thlap a nih thu Adviser to Chief Minister Pu TBC Lalvenchhunga'n a sawi.

Akashvani correspondent nen an inkawmnaah Pu TBC Lalvenchhunga chuan kumina leiba tel lova sum hmuh tawh chu Budget Estimate atanga zaa 33, Cheng Vbc 4,093 leh Nuai 67 a ni tih sawiin nikum tun ang hunah zaa 27.97 hmuh a ni, a ti a. Kuminah Chhiah atanga sawrkar sum hmuh chu Cheng Vbch 2,834 leh Nuai 8 niin beisei zat atanga zaa 38.24 hmuh tawh a ni a; nikum tun ang hunah khan beisei zat atanga zaa 36.51 hmuh a ni, a ti.

Pu TBC Lalvenchhunga chuan sawrkar kum kal meka sum puk tawh zat chu Cheng Vbch 1,058 a ni a, nikum aia sum puk a tlem zawkna chu Cheng Vbch 800 chuang zet a ni, a ti a. Kuminah April atanga September thla thlengin sum lu atanga a pung tling khawm sawrkar rulh tawh zat chu Cheng Vbc 198 leh Nuai 29 a tling hman, a ti bawk.

Chief Minister Adviser chuan sawrkarin pawisa a puk chu mamawh thar thut vanga puk ni lovin sum hmuhna hnarin a daih loh hmasawnna ruhrel dinna tur leh leiba sum lu rulhna atana puk tura ruahman a ni, a ti a. Kumin chhungan leiba sum lu Cheng Vbch 460 leh a pung Cheng Vbch 604 rulhna tur budget pass vek a ni, a ti bawk.

<><><>

BRAHMA KUMARIS

Ruihhlo leh a kaihnawih awm lohna rama India siam tura hmalakna, ‘Nasha Mukh Bharat Abhiyaan’ Mizorama kalpui tura hma latu tur Bahma Kumari Dr. Swapan Gupta chuan Mizorama ruihhlo do an kalpui mek chu a hlawhtlin theih a beiseiawm, a ti a; a do danah rilru put hmang thlaka mihring rilru her rem chuan hmasawnna a thlen a beisei thu a sawi.

Akashvani correspondent nen an inkawmnaah Dr. Swapan Gupta chuan State danga hma an lo lak tawhnaah a hlawhtlinna an hmu tawh thin tih sawiin Mizoram chu nasa taka beihpui thlak ngai a ni, a ti a. Thalaite duhzawng leh an rilru puthmang thlak a pawimawh tih sawiin mi tin tanrual a ngai, a ti a.

An hmalaknaah rinna leh ngaiantuahna sawrbingna lam thupuia neia hma la thin an ni tih sawiin, nun dan hrisel chawilara ataka nunpui thin an ni, a ti a. Mizoram mipuite chu ruihhlo do hmalakna kawnga hmanraw hrang hrangte tangkai zawka hman thiam tum turin a chah a. Ruihhlo do kawnga hmalatu zawng zawngte pawh tha thlah lova phur taka theihtawp chhuaha tanrualpuiah a sawm a ni.

Dr. Swapan Gupta chuan, ruihhlo do ringawt lovin kawng dang zawn a ngai, a ti a. Ruihhlo tih duhna thinlung an putna thin beidawnna leh harsatna an tawhte hriatpui a pawimawh tih sawiin mi tin ten hlimna an zawn dan kawng a inang lova, ruihhloa hlimna an zawn loh nan khawtlangah theihtawp chhuah a ngai, a ti.

Dr. Swapan Gupta hi GB Pant Institute of PGMER-ah Professor of Neurology a ni.

<><><>

CHAMPHAI - HRINGLANGTLANG BLOCK MHIP RUN

Rural Development Department sum, Cheng Nuai 15 senga sak, Hringlangtlang Block MHIP Run chu Champhai District Bawrhsap Pu VL Remliana’n nimin khan Mualkawi khuaah a hawng.

Pu VL.Remliana chuan hmeichhiae hmusit leh dah hniam an nihna hmunah hnam leh ram a changkang thei lova, Mizo tualzal nunah mipa leh hmeichhe dinhmun a inan hun hunah Mizo hnam leh ram hi a changkang dawn a ni, a ti a. Hmeichhiae leh mipa ten Mizo khawtlang nunah chanvo in-ang chang se, chu chu ram, hnam leh khawtlang a changkanna tur a ni, a ti a. An fate zingah thliar bik nei lo turin kalkhawmte chu a chah a ni.

Hringlangtlang MHIP Block Run hi Mualkawi khaw chhung hmun lun lai takah sak a ni a; Semi Pucca building, chhawng hnih a ni a. A dung feet 28 leh a vang feet 20 a ni.

Hringlangtlang MHIP Run hawn a nih hnu hian Champhai District Park, Hringlangtlang chu Champhai DC hian Addl.DC hruaiin a tlawh nghal a ni.

<><><>

CHAMPHAI - HRINGLANGTLANG BLOCK MHIP RUN

Rural Development Department sum, Cheng Nuai 15 senga sak, Hringlangtlang Block MHIP Run chu Champhai District Bawrhsap Pu VL Remliana’n nimin khan Mualkawi khuaah a hawng.

Pu VL.Remliana chuan hmeichhiae hmusit leh dah hniam an nihna hmunah hnam leh ram a changkang thei lova, Mizo tualzal nunah mipa leh hmeichhe dinhmun a inan hun hunah Mizo hnam leh ram hi a changkang dawn a ni, a ti a. Hmeichhiae leh mipa ten Mizo khawtlang nunah chanvo in-ang chang se, chu chu ram, hnam leh khawtlang a changkanna tur a ni, a ti a. An fate zingah thliar bik nei lo turin kalkhawmte chu a chah a ni.

Hringlangtlang MHIP Block Run hi Mualkawi khaw chhung hmun lun lai takah sak a ni a; Semi Pucca building, chhawng hnih a ni a. A dung feet 28 leh a vang feet 20 a ni.

Hringlangtlang MHIP Run hawn a nih hnu hian Champhai District Park, Hringlangtlang chu Champhai DC hian Addl.DC hruaiin a tlawh nghal a ni.

<><><>

SVEEP

Saitual District Election Officer leh SVEEP Nodal Officer te buatsaihin Maite khuaa VC House-ah Vote thlak pawimawhzia inzirtir pahin a thlawna dam lo inentirna hun nimin khan buatsaih a ni.

He hunah hian inentir tura kalkhawmte chu special summary revision 2025 chhunga electoral roll-a inziahluh theih a nih thu leh EPIC tihdanglam ngai te tan mahni BLO te hnenah dilna a thehluh theih tih hriattir an ni a. Electoral roll chungchanga hriat tur pawimawh tak tak te inhrilhna hun hman a ni bawk.

<><><>

IT MIZORAM

National Institute of Technology (NIT), Mizoram leh Indian Institute of Management, Visakhapatnam chuan Ningani khan thawh dunna thuthlung an ziak.

NIT Mizoram leh IIM-Vishakapatnam thawhdunna hnuiah hian kum li zir Bachelor of Technology (B.Tech) leh Master of Business Administration (MBA) kalpui a ni dawn a. NIT-Mizorama B.Tech zirlaite chuan kum 5 chhungan an zirlai pangngai bakah, B.Tech kum thumna atanga MBA zir telin IIM-Visakhapatnam atangin MBA degree an nei thei dawn a ni.

Thawhdunna thuthlung ziah fel a nih hnuah NIT-Mizoram leh IIM-Vishakapatnam hotute chuan Governor leh Chief Minister an hmu a, an thawhdunna tur chungchang leh hmalaknate an hrilh a ni.

<><><>

LUNGLEI – EXCISE & NARCOTICS

Excise & Narcotics Department Lunglei chuan October thla liam ta chhung khan thubuai 41 ziak lutin hemi kaihnawihah hian mihring 35 an man.

Thubuai an ziah luh te hi NDPS Act 1985 hnuiah thubuai 4 leh mihring 3; MLP Act '19 hnuiah thubuai 37 ziak lutin hemi kaihnawihah hian mihring 32 an man a ni.

Ruihtheih thil chi hrang hrang an man te chu - Heroin Gram 9.36; Rakzu Litre 310. 95; Zu bilh lai Tin 195, Sap Zu Um puitling 11; Ganja Gram 4.16 leh Alprozolam Tablet 94 te a ni a. Heng thubuai kaihnawihah hian Auto Rickshaw 2 man a ni bawk.

<><><>

MUMBAI ACCIDENT

Mumbai-Pune Expressway-ah nimin khan bus leh truck an insu a, mi 18-in hliam an tuar. Maharashtra-a Raigad district-a Khopoli bulah Bus khalhtu chuan a bus khalh chu a thunun thei lo a, truck dinglai a su ta a ni. Bus hi Mumbai atanga Kolhapur pan tur a ni a. Hliam tuarte hi damdawiin panpui

nghal an ni. Police-te chuan mi pariat dinhmun a that loh thu an sawi a, hmeichhia pali an tel.

<><><>

Sea Plane

Tourism tihpun leh ram chhung intlawhpawna tihchangtlun tumin Andhra Pradesh sorkar chuan seaplane service thar a siam. He hmalakna hi ‘Sky Meets Sea’ tia vuah a ni a, Vijayawada leh Srisailam khawpui te chu a thlunzawm a ni.

<><><>